



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **30-820-4/21**

Sarajevo, 28.10.2021. godine

Int. br. nabavke: **30-238-7/21**

Na osnovu člana 18. stav 1. i člana 21. stav (1) tačka a) Zakona o javnim nabavkama BiH (Službeni glasnik BiH, broj: 39/14), člana 47. Statuta "Agencije za vodno područje rijeke Save" Sarajevo, donosim

## ODLUKU

**o pokretanju postupka javne nabavke radova – Pregovarački postupak bez objave obavjesti o nabavci**  
**"Dodatni radovi na projektu: Obezbjedenje proticajnog profila na neuređenom koritu rijeke Unac u MZ Vrtoče, općina Drvar"**

### Član 1.

Pokreće se postupak javne nabavke **pregovaračkim postupkom bez objave obavještenja o nabavci** za nabavku radova čiji je predmet **Dodatni radovi na projektu: Obezbjedenje proticajnog profila na neuređenom koritu rijeke Unac u MZ Vrtoče, općina Drvar.**

### Član 2.

Procjenjena vrijednost javne nabavke iznosi 17.094,00 KM (slovima: sedamnaest hiljadadevedesetčetiri konvertibilne marke) bez PDV-a. Za nabavku usluga iz člana 1. ove Odluke predviđena su sredstva u sklopu Plana i Finansijskog plana Agencije za 2021. godinu, ekonomski kod 61481922213, stavka Plana B.2.2.13..

### Član 3.

Poziv za dostavljanje zahtjeva za učešće u postupku iz člana 1. Ove Odluke uputiti ponuđaču .

### Član 4.

Ova odluka stupa na snagu danom donošenja.

## Obrazloženje

“Agencija za vodno područje rijeke Save” Sarajevo već niz godina učestvuje u realizaciji projekta uređenja korita i obala rijeke Unac u Drvaru. Sa aspekta upravljanja vodama može se reći da je slivno područje uglavnom neuređeno. Pošto se radi o izrazito bujičnom vodotoku, sa neravnomjernim hidrološkim režimom oticanja, pojava poplava je relativno česta. Osnovna karakteristika vodnog režima područja sliva rijeke Unac je izrazita neravnomjernost proticaja što ovu rijeku svrstava u jednu od najbujičarskijih tokova u Bosni i Hercegovini. Svake godine, do kraja novembra nivo vode u rijeci Unac poraste i izlije se u MZ Vrtoče. Tako izliven Unac plavi poljoprivredno zemljište i dođe do kuća koje su poplavljene u podrumu, što znači da čitavo proljeće poljoprivredno zemljište bude pokriveno vodom i stanovnici nisu u mogućnosti da zasiju rane poljoprivredne kulture. Da bi ovaj problem riješili u pomenutoj mjesnoj zajednici treba očistiti korito od smeća, nasipa i drveća, i formirati korito u dužini od tri kilometra kako bi Unac mogao primiti dovoljnu količinu vode kad nabuja.

Radove na obezbjeđenju proticajnog profila rijeke Unac izvodi firma „Roco Commerce“ d.o.o. Livno po ugovoru broj: 30-1014-15/20 od 17.11.2020. godine o izvođenju radova na projektu „Obezbjeđenje proticajnog profila na neuređenom koritu rijeke Unac u MZ Vrtoče, općina Drvar“. Ukupna vrijednost ugovorenih radova po osnovnom ugovoru je 107.055,00 KM sa PDV i rokom izvođenja od 60 radnih dana od uvođenja izvođača u posao.

Aktom broj 02-04-3802-1/20 od 22.03.2021. godine općina Drvar se obratila Agenciji sa zahtjevom za dodatne radove na projektu Obezbjeđenje proticajnog profila rijeke Unac u MZ Vrtoče. U svom zahtjevu su naveli da je projektnom dokumentacijom nije obuhvaćen dio rijeke Unac u dužini od 472 metra na potezu od Mandića mosta prema MZ Podbrina i da bi izvođenjem radova na tom potezu kompletan projekat imao svoju punu funkciju. Nadzorni organ je takođe potvrdio njihove navode svojim dopisom od 05.07.2021. godine. Procjenjena vrijednost radova obezbjeđenja proticajnog profila na tom potezu iznosi cca 20.000,00 KM sa PDV.

S obzirom da se radi o dodatnim radovima i aktivnostima koje se u trenutku zaključivanja ugovora nisu mogle predvidjeti, isti nisu uključeni u prvobitno razmatrani projekat. Takođe traženi radovi se se zbog svoje prirode ne mogu tehnički ili ekonomski odvojiti od glavnog ugovora bez većih nepogodnosti za ugovorni organ, a ukupna vrijednost dodatnih radova je oko 18 % od ugovornih radova.

U cilju dosljedne primjene osnovnih principa javnih nabavki, predlažem da se za navedene radove sa aktuelnim izvođačem provede pregovarački postupak bez objave obavještenja za dodjelu ugovora za naknadne i nepredviđene radove kako bi se završili svi neophodni radovi na okončanju ovog projekta. Potrebni uslovi za to su kumulativno ispunjeni, a to su:

- Riječ je o dodatnim radovima koji nisu uključeni u prvobitno razmatrani ugovor, ali su usljed nepredviđenih okolnosti neophodni za izvršenje zajedno sa ugovorenim radovima
- Navedeni radovi se ne mogu tehnički ili ekonomski odvojiti od osnovnog ugovora bez većih nepogodnosti za ugovorni organ
- Ugovor za predmetne dodatne radove se zaključuje sa dobavljačem kome je dodjeljen osnovni ugovor
- Ukupna vrijednost dodatnih radova ne prelazi 20 % od osnovnog ugovora

Dostaviti:

- Sektor za ekonomske, pravne i opšte poslove
- Sektor za realizaciju projekata
- a/a



DIREKTOR

*Sejad Delić*  
Sejad Delić, dipl.inž.